

Г. ОМАРОВ



Че Агъул

Г. ОМАРОВ

Новый перевод
на осетинский
язык

ЧЕ АГЪУЛ

Дагестанское книжное издательство
Махачкала 1997

0—38 Омаров Габибуллах.
 Че Агбул — Махачкала: Даг. кн. изд-во,
 1997 — 56 с.

4702310000—22

О М 123—97

© ОМАРОВ Г., 1997 г.

ISBN 5-297-00569-8

СЛОВО ОБ АВТОРЕ

Автора этой небольшой поэтической книги я знаю давно. Он сельский учитель, от души любит свою профессию и все силы отдает детям, школе. Габибуллах Омаров преподает историю. Он глубоко верит в то, что только знание истории отечества, воспитание подрастающего поколения в духе уважения и любви к жизни, прожитой нашими отцами, дедами и прадедами, избавят современное общество от бездуховности и манкуртизма. «Если ты выстрелишь в прошлое из пистолета, будущее выстрелит в тебя из пушки», — эти слова из книги своего любимого поэта Расула Гамзатова. Габибуллах часто повторяет на уроках истории.

Помимо истории отечества, есть у Габибуллаха Омарова ещё одна любовь. Он всегда увлекался поэзией, однако почему-то долгое время скрывал, что сам пишет стихи на родном агульском языке. И только опробовав свои сочинения в кругу знакомых и близких земляков, т. е. в родной языковой стихии, он решился на издание книги.

Учитывая, что агульский народ до недавнего времени относился к числу бесписьменных и изданием книг не избалован, мы, естественно, с радостью встречаем создание любого литературного произведения на агульском языке, порой снисходительно относясь к его художественным достоинствам. Литература агулов ещё на стадии своего формирования, успешно развиваться она может только при помощи и поддержке со стороны государства, при наличии целостной и серьезной программы по развитию малочисленных народностей Дагестана.

Стихи Габидуллаха Омарова вобрали в себя мировоззрение и поэтические мироощущения агулов. Сам автор — уроженец высокогорного села Бедюх. Он с восторгом пишет о своей родине, где самые чистые родники, самое голубое небо и самые красивые девушки. Стихи Габидуллаха подкупают своей искренностью, задушевностью и песенностью. Его герои — это люди простые и трудолюбивые, открытые и надежные, те, которых называют солью земли.

Уверен, что книга Габидуллаха Омарова будет хорошим подарком не только автору, но и его замечательным землякам.

Ю. К. БИГАЕВ,

Кандидат педагогических наук, заслуженный работник культуры Дагестана.

БАТАН

АгъучІ яр дуст сувал сарин
Хъадурфас хъин дерейс дарин
Шагъвар киркъвай ширин-ширин
Ватаникес гъургъвас хъин хъе

Хъиттар лавей гъушуна ун
Агвас кандиа зас Сарфун
Гъууланара илгъва кехун
Ватаникес гъургъвас хъин хъе

Гъархъуна а дерейи диф
Кулакилас хъуна загІиф
КедиркІва акъучи таІриф
Ватаникес гъургъвас хъин хъе

Гъузуна дагъарин канчал
Кидавай йиркІурак хиял
Фиштинф ийчи хъе агІвал — гІал
Ватаникес гъургъвас хъин хъе.

Адайчира бахча бустан
Ширин эхи дадан батан
Гъучагъай хъе авал заман
Ватаникес гъургъвас хъин хъе

Ругъу хъеттар дава девлет
Мал-къарайхъас дивай зегъмет
Арай ае зурба гІурмет
Ватаникес гъургъвас хъин хъе

Гъазе чѣрар, хъуѣхъве туквар
Алихъас гѣйиф вей лакар
Къакъи давайде гъич са кар
Ватаникес гъургъвас хъин хъе.

АГЪУЛАР

Хъе девлетар, ругъу хъеттин булахар,
Ун лихъуде лецѣун дарин чайлахар,
Агъзур журан туквар ахъу къурухар,
Хъадурфас шаб Агъуларин суварис.

Припев:

Ай агулар,
Хѣурари гъурмат ае.
Ай агулар,
Хула баракат ае.

Хъудайчира чиппихъ я багъ, я бустан,
Зегъмет дивас кане халкъи къасустан.
Бина хъунде чиппин гъава Дагъустан,
Хѣулашуй ухъ агъуларин хѣурарис.

Припев:

Игитар а са кардигъас дагучѣа,
Шибар фи э туквар суман агъучѣа.
Сифте салам ицѣай рагъу фагъучѣа,
Икрам акъай гъава суван кѣиларис.

Припев:

Хъаеттари укъуб, гъузуб, маѣрифат.
Гурлу мажлис, шадвел фи э зарафат.
Къабул даркъа сараттин я фурс тугъмат,
Шаб ес къимат жегъиларин курарис.

Припев:

АГЪУЛАРИН РУШ

Булахин килил
Фас хьефи сафил
Дахъас вун гъафил
Агъуларин руш

Абур такабур
Амихъа хатур
Хъаеф э сабур
Агъуларин руш.

Глалашуй Вас зун
Даккан маркъа вун
Давахи азгъун
Агъуларин руш.

Агидусрай вас рагъ,
Вуни час чирагъ
Хъачархъунде багъ
Агъуларин руш.

Алчархъе жагъил
Ухлас э къайил
Лихъуна гъилил
Агъуларин руш.

Кей хъурай вун бахт
Ижеф хъурай вахт
Хъадуьхъуьф э тахт
Агъуларин руш.

Ве эркен намус
Фадавахи фурс
Эхи зеф къасус
Агъуларин руш.

Алчатаста члал
Валлагъ зун ли вал
Яглая зас ве глал
Агъуларин руш.

Намусин аслан
Къисмати гъанан
Тук ахъу бустан,
Агъуларин руш.

АГЪУЛАРИН АІДАТАР

Четинфи хи хье ватанин тІабигІат
Якъу багв рукъкъунде дагъарар, гъванар.
Шаб атас хьин насиларис наснаІт,
ЯгІар хъурай хье халкъдихъ хъаеф гъунар.

Къуърди уюнар э хьехъай аркъайдеф,
Жагвар аркъай дуьньягъ гъурагъал суман.
Куппан цалар э хулагъил аргвайдеф.
Кучайриъра архъай вея ниъ куман.

Зулзумарил лихъу къирав урцІана,
Гуьней хІаппар архъая рагъ гІаІрхъуна.
АчІар, чІурфар кехунари арцІая
Кафарбагун гужлу кулак хъархъуна.

Жикал, чамра фадатуна абкъэнас,
Хъел агъдина Хиттисуй алавея.
Башламиш акъуна пІэр-пІэрди угъвас,
УІшан багайс са къари ибхъ кихъая.

Гагъ ули тІуб иркІучи аІкв даргвайде,
Диф учІуна хъагваста вас рагъун ул.
Аттархъуна тІурфан гъван-накъв гъарейде
ЖикІестава вас гъич урчІайде улул.

Аркъварин къэе микІер аркъа ягъар
Алтархъуна, турукІис хъуни куче.
Жадукк гІутте аркъай нажбари магъар,
Эрас жилар ибхъ уцІай вея къуърчІе.

КехунигІ къуърчІ гІэрхъая къуза багун.
АгъучІая учІаликк къэбзуІлар.
Гъазе хъас башламиш хъечира дугун,
Хъара гучІая хъас цІуппе мекІер.

Хъидин тумар узайде вахт адина
Азалхъанар алурцая хуппурил.
Галариас хІуппар, келар адина
ХІуппахъанар эркъвая хаб къушарил.

Хъидин цІигис зав рухвая, цІэлп ичай,
Шэп-шэп хъуна дакъешунде муг анда.
Свел суман угъвая ахв-ахвас ичай,
ТІалин хили хула эркъва мукъ анда.

Майдин ахир сифта кІиларис гІуІлин,
Хъадурфас шаб укунарис, суварис.
Ниъ архъуна жаннати суман ширин,
Икрам акъе шаб адина тукварис.

АІквнайрихъди кетІугъилди гъайшичи,
Суван кІилар агвай сусар суман вас.
Сарин шагъвар ве жандакис киркъучи,
Хъаси бабан фунис ухуф суман вас

Дуьргец, Хабак фадаваф андава сад.
ДаІве аркъа гІуІлихъай адини вахт.
МагІсул завал акъас хъечи хъай къуват,
къуь вазалан къизгъунис э зурба бахт.

ГІайванил, дагил лихъай, гІуІни хъархъай,
Гужунал завал аркъая халкъди гІуІл.
Къешар хъуна утІай, кулаки ахай,
вахъай гІужат аркъаф суман гъузай цул.

Кардин къизгъун хъуна яваш, мекІ фатІай.
Хъучавея цІекІинарин нубатар.
МаслиаІтхье шейэрил рази девей,
Къалин хъуни къавумарин гІужатар.

Алихъуни кучайрил далдам сурна,
Гужиналди къуь кІилла акъуна дуз.
Сусан кІилихъ хъачихъай къирдин жуна,
Шадди а халкъ, фараши а къадарсуз.

Буллухди а фи хъечира цулана.
Хъе укварар хъурай яллагъ гванантар.
Гъарса хулан айваникес кехъуна
Рукъкъвас аркъа жандакари, аргваттар

Накъан ягъ лап гIуIлиф суман ай куче
Багайс ибхьи фацуни хаб дереяр.
Зарафатар аркъай хъацIуни куъче
ХIа кулар хъай ахъикъуни къужаяр.

Параттари аркъая хинкIар уIшас,
Архъуна ниъ хулары рукъкъу яккун.
Табшурмиш аркъая баба хIа рушас,
Дадас галу икIайде акъуб рекъкъуън.

Хаб итIуни хIуппахъанди къакъ къафил,
Хъуна а вахт хIуппар верейде галу.
Хула шуй адавай йиркI хъуна сафил,
Табтагъ хъуни къеклайикк хъиран далу.

ЛикIаф шумар ий гуIлана, къуIрдана
Къалинди къачар икIунде хам лэин.
Эгер тагъар дахъеф хъечи къукъуна,
Лекарил куркурар аркъайий иин.

Акъуб уIтIаттин, ухваттин къанигIат,
ГIазур акъуб ваIдай ай малдис алаф.
Хъуна ае кар ий гъар хула аIдат,
Эдилхъуърай пуна гъич ли вал сараф.

Гъамиштинтар э хъас къайдаяр, аIдат
АтIухунде Агъул дерен суварин.
Унхъеттар, агуттар вея аIламат,
Сабур хъае велдил гъами халкъарин

Хъе дадарин риваятар, гIикатар
Тарих кихъагъилди акъас хъин завал.
Ушу насиларин диву зегъметар
Верегъилди хъе шиниккварис гIулал.

Харабаяр, кешу авал замандин,
ХIур адава зияратар адайде.
Тарих ликIес ЗулехIурин, Сарфундин
Нандас гъай хъин аIлимар хъехъ хъудайде.

ЧIаарин хIур, мангъулары алату,
Са исти халкъари акъуна саваш.
Игитари, душмандин ииъ алату,
БатIаракъунай мунер яваш-яваш.

Яхул хандис мутIаI дахъе Гехъуънар,
ХIури савадлу инсанар аейде.
Замир шаб вун агвас акъе ве гъунар,
Агъул чIалан китаб ликI са хурайде.

Усугъ Хидир, куме аеф фи я вас?
ИIлмивди вун ацIуна а гIул суман.
Вун ликI тарих Агъулар агвар акъас,
ЯхIар хъурай халкъдис хъе ушу заман.

Буршагъ ШаIбан гъамарта йиркIуралас,
РагIматлу Шарафудинан зегъметар.
Лезги Надир кумак акъе гъал вун час,
Завал акъас агъул чIалан девлетар.

Ирс завал аркъае дава зун аIлим,
Зас зе халкъдин ттур гулуна кандава.
Хъиму аIшукъ, хъиму хъес дагIа аIлим,
Гулунай хи тур дагIанна андава.

ГIайиф-гъайиф халкъди акъу яратмиш
Жавагъирар завал акъас хъундава.
Хаъси пуна хъе гавгъарар къутармиш,
Валлагъ ижи гъич зе умуд хъандава.

ХЪЕ МУРАДАР

МагIсулар завал аркъа
вахт, алайкуф хьурай уп.
Къалинди мекIер аркъай,
КъуIрд цIуппиф дахьурай уп.

ЭкIен, сулан хуппурар,
Къурахи дугурай уп.
Тук ахъунде багъларил,
Махлахай дугъурай уп.

Гъамбури мурадар,
Хъе йиркIвар дуз хьурай уп.
Кане рушар, гедаяр,
Сад-сайс къисмат хьурай уп.

ЦекIин аркъа жегъилис,
ВАС мубарак хьурай уп.
Фуни ае сусарис,
Сагъ велед ухурай уп.

Армий вере къагIалис,
Вун сагъди адирай уп.
Сафари ве гьуларис,
Рекъкъ угъармиш хьурай уп.

ЙиркIуран иже хиял,
Дахи бутмиш хьурай уп.
ЧIире йиркIвар аеттар,
Гули батмиш хьурай уп.

РекIкъуI алчархъе кастис,
Ле вас ягъур хьурай уп.

Кардил ала нажбарис,
Ле вас къуват хьурай уп.

КIина дуяйлас веттис,
Жаннат къисмат хьурай уп.
Вес аме насиларис,
Ме насилат хьурай уп.

Са къацI уIтIайде гуни,
Хъес, гIулалдеф хьурай уп.
Вун хIа аркъае велед,
Вафалудеф хьурай уп.

КIухрари ахъейде тук,
Емиш гъареф хьурай уп.
АликIае кангIа лак,
Шатти дургъаф хьурай уп.

Вере уIмур хъе дуел,
Ахир ижеф хьурай уп.
КиркIуна футнана къал,
Дуньягъ ислягI хьурай уп.

ГІУІЛАНА

Нур ицІайде бушкѡаб суман,
Кѡирагѡарив Ерге уІран.
Хѡиттас агвай кІилар суван,
Гуѡгѡуѡл ачух вей гІуІлана

Вазалан аІкв, алайку уІш.
Литтикк акѡе ахун са нуш.
АІмкІикес агвай кане руш,
ЙиркІар дарих вей гІуІлана.

АгѡучІ шаб вун Хѡибу сувал,
Жаннат э пуна вей хиял.
Са заттихѡра давай цІиял,
Девлет артухѡ вей гІуІлана.

Гѡадивуна гѡава гардан,
Кѡашкѡа эвра рухай бирдан.
Тук ахѡунде хванал майдан,
Малдис кѡурух вей гІуІлана.

Шаб булахил кеттикІ чангар,
АІттивас хѡин ругѡу тІинкІар.
Агѡзур жура ицІай рангар,
Туквар буллух вей гІуІлана.

Абкѡанас кеттирхІай шагѡвар,
Гарданари ахѡай туквар.
Кѡалин хѡуни нецІвр, рухвар,
УцІай кехунар гІуІлана

ТІабиаІтдин аІламатар
ЦІайлапанар, караматар.
Лихѡай цІае дараматар
Курар артух вей гІуІлана.

БАБАН ЙИРКИ

Угъвас андава агъайий угъвалар,
 Ахъахъастава агъайий вун тукар.
 Табиатди хъевас хабар гъушунда,
 Учун сир гъам гъич хъес ачух акъунда.
 Нур личай амийчира дубел рагъу,
 Амех уѳмур бабас хъунихи агъу.
 Цѳае бунер фатартая кѳурари,
 Хаб шадвелар акъаяхи йиркѳвари.
 Халичийхъ икъуна аркъай лубкѳунар,
 Къуншилла ал сус гъарейде цѳекѳинар.
 Амма айванихъас хъадурфа бабан
 Йиркѳуралас вей ада велед шуван.
 Исна сури кѳиркѳакес адай хабар
 Фифти бабан йиркѳура гъахай ми кар.
 Умуд хъаме адесси пуна мукъари
 — Зе геда гъич гъузаф дава накъвари,
 Агъ бабан йиркѳ цѳа лихъуна угунде
 Кѳилилди махмахайна свел угъунде,
 Аладеве ибхъ алихъу дагъ суман
 Жагвар хъуни бабан чѳларар агъ суман
 Кѳаре ягълукъ акъас хъундава дегиш
 Улар хъуни даиман аѳшай вардиш
 Агъ, зурба кар хъа инсандихъ кѳлиб агъай
 Гъатгивай удигъас агвай-агвай
 Адес кинда, агвас анда сара вас
 Киндава гъич ве багулив ахъикъвас.
 Баладава, вахт хъуна ушуттарин,
 Дунъял алмий йиркѳ фарикъат хъуттарин
 Нанди гъаха кар э кѳлиб жагълл жаван
 Улар хъамий ушунде дадан бабан.
 Шаб дапас гъал хъин хъехъаси аѳшаеф

Булах хъуна улин нагъвар латаеф
 Заз язукъи жагълл уѳмур тук суман
 Дунъяйл дахъе дардунас дарман
 Сад ушуни хъаттихъу сус атуна
 Сайиди къуѳ велед ятум акъуна
 Сади йиркѳуран мурад бегъем дахъеф
 Чачанди гъич кѳи мукъра яаѳ дахъеф.
 Даѳвил кѳиттар ахиратин шагъидар,
 Дин бадалди жанар къулбан акъуттар.
 Афгъандин суй, Къарабагъ хъуна къисмат
 Мус киркѳваси гъами даѳвин мусибат.
 Фи бадалди талаф вея игитар?
 Халкъар сад-сад алчимика бандитар.
 Чвас зе бабан йиркѳуракес ухъ хабар
 Шаб даес хъин хъе халкъарис аѳзабар
 Ислягъвелдин луб лурцурай кѳиларил
 Гъич вахт дахъеф фадайшурай накъвари
 Таргъунарил агучира хъес тарих
 Девегъллди хъурай хъе йиркѳвар дарих.

ДУЪНЬЯГЪ ВУН

Фаси дуъньягъ вун баъзийрис мушакъкъат
Ина авун са баъзийрис якъу къат
Са баъзийрис ицъай, гъушайде савкъат
Бахт кидаттис мусибати, дуъньягъ вун.

Укъучи ислагъди пайгъамбар суман
Ве дардунас жикъес кидави дарман
Са къацъи гуни дажикъей атъай аман
Касиб кастис хажалати дуъньягъ вун.

Хъиму жура агуни, хъиму гъукум,
Хъиму хизан таргъ хъуни атъуна кум,
Хъимуд кабаб хъуни агуна зулум,
Зулумкардис бахча багъи, дуъньягъ вун.

Ли ве таъриф акъас лишини хъимуд
Фаттихъуни атъуна ахир умуд
Ягъар дахъеттарис фийчи гъулна, къуърд
Даим алайку ягъ хъуни, дуъньягъ вун.

Пагъ хъадава къанихвел вахъ кедиркъива
Ве дацъуйсал алархъайва гъудуркъива?
Зиллатикъес кеттучъас гъанал луркъа?
Зас кедиркъива азияти, дуъньягъ вун

Вун удигъ гъул хъуни зас, хуппахъ дагъар,
ВЕ-деве мукъ дагъай хъуни гъал сарсар,
ВАллагъ, ахир хъуна а зун вакк бизар
Фас аъиз кастил илхъефи, дуъньягъ вун

Чевен дув гъал акъу дегъан алдатмиш,
Давахи вас гъаме курар ярамиш,
Дахъунайчи ижи ий зас яратмиш,
Угъраш хъуна дагъагъилди, дуъньягъ вун.

* * *

Фас бизаригъан ме дуънъейк вун ярабъ,
Ягъар акъе вун зас ли кардин сабаб.
Гъушугуна хабар дайицъай жаваб,
Жин маркъа цъа ачух акъе зас ве сир

Зун жарагъи ве дардунас дармани,
Вун бадалди хъачархъунде бустани,
Ве йиргъва гъайван гъикайде майдани,
Миннат хъурай маркъа вун закес есир.

Гъайкал суман ахъаси вун гардани,
вал адинде къаза засра гъурфани,
Вун дагу ягъ, ягъарухъ, зас зиндани
Латмарка шаб залас уп гъал зе тахсир.

Канчи хъадар лахай зун вас заварин,
Канчи гъаза аркъай лекар — хиларин.
Дустагъ маркъа закес ле ве дардарин,
Рагъми ярхъи иркъурас, язукъкъ ухъесир

НАРГИЗАС

Ачух акъас зун чвас зе йеркIуран сир
БицIи амин хъефи футнайрин есир.
Тук лахъуни багъдин, фуш акъай тахсир
Вахт дахъуна гужар хъуни Наргизас

ЙеркIуралас девеф эхи вас хъе кар,
Фас акъуфий чIир вун хъе сифтан икърар.
Дахъунайчи ли вун уху баб инкар
Хъас кедавай гъами гужар Наргизас.

Шиниккв ваIдай адегуна бабахъай,
ДурухIафий хъин гарданари архъай.
Ягъ-ягъалас артухъ учин къакъ хъархъай,
Зун къуьсе хъеф хъаста ягIар Наргизас.

Гъучавея зас ве улар, унетIар
Фас акъуфий вун уIмурди гъалатIар.
Варталла файдина дава туьгъметар
АIкве дуьньягъ зулмат хъуни Наргизас.

Тахсир зеф давайхи, хъин дахъу къисмет.
Вун шувас файшу ягъ хъунай зас зулмат.
Че хIуринтар хъунай вари аIламат,
Зун канеф давуь пе гуна Наргизас.

Зас фи жикIей, гъал акъуна ве таIриф
Ве дард дивай хъуни хи гъал зун заIиф
Дуьнвейлас ушуни вун хъамий гIайиф
Агвас анда туквр, чIирар Наргизас.

Разивел ай ефий вун шувас баба,
Вал алчархъе шуйра хъунай лап ява.
Гъушунда чун уIмурди сай сан гъава.
Агвас анда гIуIлин рагъар, Наргизас.

Зе мурад ий лихъуна ухIас хилил
Илгвастуй хъаси, ве шиникквар сафил.
Зун хъугъафтуй, йиркIв вей пегуна залил.
Агвас анда хулар, малар Наргизас.

АтIусуни гIикIуна угва къуь ул
УIмур хъуни вас тIурфан алейде гIул.
Вахъас дард дивае зун дава батIул.
Анда йиркIуракес хабар Наргизас.

Дахъемира ахирас зун вас саймиш
ЙиркIуравас акъуфтай зун вас къаргъиш.
Туквар аме ве багъди хъунде бутмиш.
Лашурай, кедиркъва улар Наргизас.

Фас хъефий вун лидагIан бахтикъара?
Духурайи вун суманф бабас сара
Гъич сайкесра хъундава хи вас чара
ЯгIар хъундава тахсиркар Наргизас

БатIарди агуна шагъурдин гъава
Ве кIилил сара хъир файдини шува
ХъажигIунда дардунас акъас дава.
Сара унхъунда иже чIал Наргизас.

Хъунайгъан вун яраб ахирас пашман?
Багунтарикес хъегуна вас душман
Азарис хъундава ве дава дарман,
Иттал сагъ девеф ярхIуни Наргизас.

Халкъар чун зас акъас дахъурай тугъмат
УхIас хъунда пуна Наргизан гIурмат
Зе йиркIура лихъуна а зун гумбат
Ме кардикес аIян хъурай Наргизас.

Эй, инсан

Ибхъ угъвая, керхъай
цIирекIвар бицIи.
Аязра, къацI икIай,
хъуна а цIуцIи

Хиялигъ гъачахай
хъуна а зун суэ
Фас ийчира дагъай
МагIтали зун дуст.

Ругъу хилар, андай
хабар, уIр учIу.
Алдиву зав агвай
амеф, рагъ фучIу.

Аттархъай гъавурдис,
ачархъая гагъ.
Жан алжаливди ес
язукъ э валлагъ.

Зе улар алмакъа
чун, зун кIегуна
Дуьньяйис хъин фиркъа,
ул хъамегуна

АIссе дахъас хъин шаб
Фаттмихъа сабур.
Хъин накъвистира шаб
Вес алмий абур.

Хаб кетIуни, агвас
Ме дуьен алзаб.
КIиб рагIми э, хъес
хъасигъан яраб

Эй, инсан, яваш вун
ТааIди магъуша.
ТIабиаIт сагъна э
вун са тамаша.

КЪУРАХ

Къурах хъуна рукъкъая туквар, чІирар.
 Угъвалихъди гІараргати нахчирар,
 РагІми анда инсанарис заварин,
 Ишан алдаф анда хъесул негъварин.
 Аллагъти и мусибати гъами хъес,
 Первердигар вун акъе гъал хъадухъес.
 Фамарца чин къеҕе кастин гиманикк,
 Сад аллагъ вун кемата че йиркІврик
 Завал хъуна хІурин бицІир—хІаф дагъай
 Марфадинаппайкеси амеф гъургъай.
 Садакъаяр завал аркъай гъар хула,
 Угъвалин хъиттал гъатас хІурин малла.
 Умуд гъич атІуна ада халкъари,
 Хъухуб хъуме ун гъахъушаф рухвари.
 Чире йиркІ э инсандин девеф ачух,
 Дуньягъ хаб хъес киефи хъас алачух.

АНДАХИ

Фи замана адини хъе кІилилди,
 Дуньягъ чабхун акъая къуІ хилилди
 Дуланмиш хъас кандий халкъдин иилди
 Зегъмет дивас кане садра, андахи.

Цил лихъуф суман жан хъуна а кабаб.
 Андахи хъес ицІайдеф са дуз жаваб.
 ЧІалар пара яхІаттар хъуна аІбаб,
 Сад сан гІалдис хъадурфафра андахи

АрІуІни зе гъал уІмурдин алраба.
 Верегъили хІурар, хулар хараба.
 Шаб дагъургъас хъин къабахъас жинаба.
 МаІрифат, рэкъкъ фаме касра андахи.

Нан акъаси дуен малар, девлетар
 Завал вере вартал элдин тугъметар
 МуркІ йбанхаб акъас лишай гІурматар
 Ижеф акъас йиркІурара, андахи

Кунарис хъадурфуна ицІай къимат.
 Тарашчийрис хъуна а дуньяй гІурмат.
 Асул хъаеф илгвай хъуна аІламат.
 Хулаъ, кучайъ аІдалатра андахи.

Акъайдава шиникви дад баб саймиш,
 Гъази амий лахъая даран емиш.
 Миннат хъурай касиб халкъ маркъа бугъмиш
 Агъарай ягІаф аІйиб, аІр, андахи

Чвас яай анда чве нафсунан кьадар
Мус ацласи гьали чве хутар, тахар?
Шаб маркьа чун касибарил дамакьъар,
Киб, ахират гьич йиркIура андахи

КАСИБВЕЛ

КАСИБВЕЛ

Агь, касибвал гьанас ицIа вун маса?
ЖикIиндава вун гьуршанф зас базари.
Килин уIмурди ихьуна зун хьурса,
ЯгIар хьуни вун сагь деве азари.

Нас аркьа зун аIрза, хьунда захь чара.
Хабарсузди чIир вея иже ара.
Диву зегьмет хьегуна вара-зара.
Ме мусибат зас киркьунде назари

Пушу суман алчIиркьаIя вун зал лак.
Гьар багухьас фаз акьафи зун гIалак
Адава са касрга ицIандеф кумак.
Вун гьич хили фацас деве зазари

БаIзийрис аргвай хьудавай алакьун,
Агьдарукьаф гIисаб аркьай кар лихун.
Ягь-ягьалас дардра дивай вей яхун.
Валлагь, гьал зун ве фардунакк бизари.

ДИКИУ ФИКИРАР

Фаси кьелан гјулин хьиттар?
ЛецIварик кьел кидавай.
Фас гъулаки ай инсанар?
Чве гулу зад адавай.

Мусибатдин чарх хьел лурцуф,
Хьин рагIимсуз хьасийва?
Я дахьечи хьин халкъ акъуф
Сад-сайихъай дивасива?

Агу курар агъ фидагIан,
Кьел утIуни гуни дегIан.
Хъадуьхъуьндеф залас агъан?
Дуньяйлас вес хъамий гIайиф.

ВУН ФИ ИИЧИ ЯГИАР АКЪЕ

Къулива вун зе йиркIуран?
Пашман хъуна алихъа.
Къулива вун зе йиркIуран?
Шадвеларихъ ахъихъа.

Улива вун ачух вере?
Хъе йиркIвар шад хъегуна.
Улива вун алихъайде?
Нагъв лавей аIшагуна.

Хилива вун ачух вере?
Жумартар агугуна.
Хилива вун даях вере?
Душманар адигуна.

КIилива вун фикир аркъа?
Багъ бустан хъачархъуна.
КIилива вун баштан аркъа?
Четин кар алчархъуна.

Азман жандак уп гъал вун зас,
Фиркъафе ле ве къуват?
Герек ваIдай дахъегуна,
Гъали вакес зас кумак.

Мурад, дуялди адибан,
Фи э инсан, уп гъала?
Пиша эва ве даиман,
КIилилди файиб бала?

Чирагъ суман уг гликлуна,
Акье дуньягъ нурламиш.
Хуір, хал, хизан, мал диклуна,
Девегъилди утанмиш.

ДЕВИРДИН КЪАЙГЪУЯР

Шаб магъа, хьин дуньяйхъ дава циял,
Хье мурадар булахари уІмурдин,
Йирклура вун амихъа чіире хиял,
Алчархъатар къайгъуяри девирдин

Ул лихъуна гъадивайде адай вахт,
ТіабиаІтдин ара вея фас дегиш?
Духурай вун инсан, бабас бахт кидай,
Агъарай ли вал алчархъеф дапас фиш.

Маргъар суман хъуфай уІмурдин исар
Алавеси уп дуньяйлас вун фи фай
Я инсан! Мус хъаси гъали вас асар
Фас агвафи дуньягъ ладайка дифай

Фелекин чарх алурца дагъузай
Нан акъаси вун вас ликлинде къисмат
Суриъ хІуппар тух хъегуна алгъузай
Тух деветтис фи вей акъуна тугъмат

НАТИНЖА

Завал акъу натинжар уІмурди,
Вас дафтари кихъайде вахт хъундава?
Набуд ийчи адархъайде гъавурди
Вун дуз ракъкъуІл алихъа кас хъундава?

Узу магІсул канчи мухи канчи сул,
Ризкъи хъурай ле вун аралди гъареф.
Зегъметилди гъуши инсандин гуьгъуьл,
Савкъати вун насиларис атаеф.

Элдис ашкар акъас хъес кихъу къисмат,
Дагъургъурай жинаба хъе къабахъас.
Дузвелдил хъе хъурай вари аІламат,
Шаб, улигъас гъархъайде са кар дакъас.

Алурцай чарх, гъузайде вас ада вахт.
Хаб хъадурф цІа атуна вари лавереф
УІмурдихъай марка багІс вахъ хъудай бахт
Алда дуял духуб, кІиб хъудавайдеф

Девирди э акъуф хъе чІарар жагвар
Вахт дава багъдин бегъер завал аркъа?
Хъиттал дава гъин аргІаІйдеф хъиттангвар?
Гъел вахти дикІу гъванар завал аркъа

Гъардас алчархъа къадар акъуна пай
Къуларин са кІили ихъас ижвелар,
Ве хияли вун бахтлу вун э бай,
Шаб, дакъуф суман дагъургъас къаІйвелар.

ЦІар кеттмиргІа натинжайрин кІениккес,
Амийчугвас хъадурф вун зад кихъайде.
Гунагъ, саваб гІаІйчи кедат гъиликкес
Насиларил къее бугътан гъарейде.

* * *

Хиялий хъаси пуна вакес панагъ.
Фас гъушуфи вун ми есирин гунагъ?
Яглар ухъ, вахъ зун хъахъугъайда валлагъ,
Иблиси суман акъуни алдатмиш

Туки пуна дагъунай зун валди гъил,
Пас деве къадар хъуна ли вал бахил.
Туба э дахъас сара мишти гъафил.
Вун зас дуньягъ акъунихи къаралмиш

Бабан неkk суман хлулал хъурай ли вас,
Килин умурди диву жафа вахъас.
ЛукI марка цла даиманди вун хъахъас.
Утланас хъачмика гъал зав наргимиш.

НАСИАТ

Манзил алцай аршумарил, къарийрал,
Саалтин вахт ис даглан яваш акъай.
Яглард хъунда вере курар киларил,
Лазим ава рекъерил саваш акъай.

Шаб муга вун, глidikлуна аркъай кум,
Са тларуни вун аралди гъарайдеф
Талде мева, кемархъа ли вак тагIкум
Чи́ре рекъу́л э вун лиди лихъайдеф.

Ве юргъанис хъадурфуна кедагъ лак,
Талукъ дава мукъул, шаб дахъас глалак
Чи́ре фурсар гужар марка алдайде.
Герек валдай хъурай хи хъин хъес кумак

Вун алкъулна, саниат тин гъуршантис
Ве паф иша деве мукъул магъургъа
Душман, дуст фиш ийчи яглайр дахъеттис
Ватан, дад, баб маса йиттихъ хъамуха.

Намус марка дагла кар хабар гъушас
Рес ладихлу клашта суман атмиша
Вархай гъузи зе васи э гъали вас,
Балайвас къирагъ ухшари гъанмиша.

МаIрифатсуз кастикес дуст фамарца,
Ижи магва вас мез ширин гъургъайдеф.
Рекъкъ атуна жигъириас маруца,
Яайр ухъ вас дагъарилас лархъайдеф.

FLANDERS

МАРЖАНАТ

Кедиркѳурай кѳуърдин аяз, гѳуѳилин рагѳ.
Вун бадалди дадан бабан кѳил э сагѳ.
Зе дуал э атѳдусурай ве чирагѳ.
Ииркѳурас вун пара нуши, Маржанат.

Жилилас гъарейде ве кларе кьуI куч
Жин маркьа цIа миннати вас алтахъ кьуч.
Чашна эхи хуIрин рушарис вун уч
УхIас хилил лайикъ кьуши, Маржанат.

Дахъефийва тай гаттивас хѳуриас
Аттархѳуни вун суман тук хилиас
ГъалатІ хѳуни зеф лап сифта килиас
Ядархѳунде улар ле вас, Маржанат

Шиниккварин баб хъечира гъали вун
Вас хъадурфай аме валлагъ гъаме зун
Фикир вакес эхи зе ушан ягъун
Миннат хурай гъал хил гъуши, Маржанат.

ХІЕЛАШУВАС АКЪУНДЕ ДАРД

Хіелашуй са дард а зе вас акъайде
ЙиркІуралас гьамата э вас миннат
Чалар пара а уп учис агъайде
Гьич мугІубатдис дахъурай хиянат

Уп маІрифат гулас дахъурай учин
ЯхІархъурай вафалувал фи ийчин
Сара хиял эгер йиркІура айчин
Хаб ирай уп учис инде зе савкъат

Зе кьаламин кІекІул э зе бахт алеф
ЯгІар хъурай учихъ дуст душман хъаеф
Дапурай нас хъучи йиркІура аеф
Дава уп учис агъаттар зарафат

* * *

ЦІай икІуни хи руш вун зе йиркІура
Агъарай, зун утІуни ве дардуна.
Аллагъти акъаси ми хъе кьуІн рисат,
Учис ягъай фас ийчи дахъеф кьисмат.

* * *

ГІуІлин цІигис архъай пуна ниъ ширин,
Хъухуб хъай зун узуні тум тукврин.
АгъучІуттар фи хъунайчи гьал хъадурф,
Уса зазар, хъаефра ниъ зегъерин.

* * *

Агъ, жагъил вахт фира дагІай ушуни,
Лап валдасуз лазим давай тІушуни.
ЯгІар дахъеф ижеф, кьееф фи ийчи
ГІулал кьисмат, гІарам хъуна гьишини.

* * *

Вун магъа хи зун батІули, гьал ли вун фас гІашафи
Даим туьгъмет вартал алеф, дуьел фишти руцафи.
Кабшинвелдин кьадар адай, аІр-аІйиб ягІар хъунда.
Я засра вун зас тай даваф, кьана дала ягІар хъунда.

ГЮЛИШАН

Заз кІанзава кутаз лишан
На дидедиз лагь Гюлишан
Тахьуй илчияр перишан
Зун тежервал ужуж Гюлишан.

СтІалар хьиз къайи яцин
Ширинвал вуч тир ви мецин
Вун шад акурла зун секин
Хьунухъ тир шаксуз Гюлишан.

Бязибру заз ийиз туьгьмет
Лугъуз вун заз жедач къисмет
Маса гана чи муьгъуьбет
Лув гумир вахтсуз Гюлишан.

Муьгъуьбетдин лукІ хъанавай
Заз жаваб це на рикІивай
Хабар яхъ тІун дидедивай
Жемир регьимсуз Гюлишан.

Шегьмир вилер акъваз герен
Нур къвервал я экуь гъетрен
На гуьнгуьниз хкваш Беден
Такурай арсуз Гюлишан.

Хуьда за вун гъайкал хътин
Муг авуна къене рикІин
Вун тахьайтІа бес за гьикІин
Тамир зун ялгъуз Гюлишан.

Умуд, умуд вакай пара
КІанзава заз къе са чара
Серин хъайитІа чи ара
Зун я гунагъсуз Гюлишан.

Гъиляй акъатна гъи жуьре
Жгъаначирни тай хуьре
Мягьтел я и кардал куьре
Куьз хъана бахтсуз Гюлишан.

ТАХЬУРАЙ

РикІ вун куыз я кье икІ сефил
Ша уьмуьрда жемир гьафил
Чир тахьана кардин делил
Кьисмет залан пар тахьурай

Бахт тахьана гумир лепе
Чир жеривал дере тепе
Къанажагьдал чулав леке
Алаз, уьмуьр дар тахьурай.

Виридалай хьана зирек
Авурла муг къавун ч'ерек
Гила вун чаз амач герек
Лугьудай вахтар тахьурай

Заз бахчадиз гана эвер
куькІуьрайла вацран эквер,
Гил чарадаз гумир сирер,
Чи шад тир рикІ т'ар тахьурай

Цуьк атІуз кІан хьайи бере
Цацар гьат тавурай гьиле
Ша чна чаз тийин гьилле
Уьмуьр агьузар тахьурай

Тамарзу тир ицихъ кьайи
Илич тІу зи рикІел кайи
Пай къачуз тахьана гайи
Ишедай крар тахьурай.

За ваз цуьквер цада кьванцел
Чан кьурбандда а куь варцел
Чуру рикІ гваз, хуш яз мецел
Тапан рахунар тахьурай.

ХЪУРАЙ ЗУН ВАС

Зун нур ицан гъэд хъурай вас,
Акънайрихъди фагъурчIайде.
Зун булахин хъед хъурай вас,
Мукърам сивихъ хъударкайде.

Вас икIу чирагъ хъурай зун,
Ве гуьгъуьл ачух аркъайде.
ГуIлис куче рагъд вас зун,
ТIабиат буллух аркъайде.

Зун суван шагъвар хъурай вас
ГуIлана сарин аркъайде.
Зун йиркIуран сир хъурай вас,
Канеттар ширин аркъайде.

Якъут гавгъар хъурай зун вас,
Ве тIубалин къаш аркъайде.
Уста заргар хъурай зун вас,
вал къизил варакъ лихъайде.

Куче аркъас вас мекI хъечи,
ГикIу цIин ялав хъурай зун.
Дарман аркъас иттар хъечи,
Духтурий къвалав хъурай зун.

Ве иштягъ ачух вегъилди
Вас ягълу палав хъурай зун
ЙиркIвар сафил дегъилди,
Даим ве къвалав хъурай зун.

Вун билбил жакъв, зун тук хъурай,
Сад-сайихъас рудагъилди.
Ле вун дергец, зун укI хъурай,
Таза амий уцагъилди.

* * *

Чвас аркъаттар зун зе сирар гъамари
Даим ацIуни хи улар нагъвари.
Жан алмий шаб имикIа зун накъвари,
Шагъмари вун инсан язукъкъ девейде.

Зегъер йина кIинайчи ийхи рагIат.
Хъандава зулумикк кехас вере къуват.
АллагътаIлай эва вун зас йи «савкъат».
ЙиркIурахъ зерра рагъми хъудавайде.

Нандил хъечи шаб батIул маркъа сараф,
Алмиша гъал зун мерти акъас талаф.
Фас хъефи вун хъе мугIубатдис хилаф.
Дуьньей андава фанд вав фадавайде

АГЪ ИНСАФСУЗ

Хѣлашуй давайчира зун къасустан
Жин акъайий вун заккес ве багъ бустан
Къайилий ве удигъ гъихъас гуълюстан
Вун пуна зун зе жан къулбан акъунай.

Зас кѣж къалам бигъем хъасигъан яраб
Хъадуъхъуънде ицланас ли вас жаваб
Дагъай хъуни хи зас зун вереф кабаб
Фуш пуна зун багъди туквар узунай

Ягъ-ягъалас ве хиялар къастунан
Есир акъуб хъуни чѣире нафсунан
Къадар андай вахъас дива дардунан
Са вун пуна дуяйил зун руцунай

Агъ, инсафсуз вун ми кар акъай пуна
Зе бахтунан хаятѣ къатѣ аркъай пуна
Залас гъайри вун сараф фарцай пуна
Вун вафасуз хъаси пуна фуш хъугъвасий

ГІАІЛАХЪИР

Зе уѣмурдин вея дагъал
Хъандава захъ вас ягъа гъал
Шаб йирклурал ламахъа къел,
Чѣевен акъе фурс, гъаілахъир

Хъуна а сае, якъу къат.
Кѣилил ликѣаф къуѣрчѣе чалгъат
Андава вас тай гъакъикъат
Гъамуша вун хъурс, гъаілахъир.

Са кас вас андава саймиш,
Маркъа цѣа вун футна къурмиш.
Чѣире кар дахъурай дузмиш,
Рукъкъвали зе вас, гъаілахъир

Ягъа сайкес ашна фарцай.
Ягъай анда я туш, я тай.
Параттарин йирклура цѣай,
Иклуб, эва дуз гъаілахъир

Къудурвелар жагъил валдан
Акъайде гъал дава майдан
Кѣил гъал ваккес акъай баштан
Зеф э лап къасус, гъаілахъир

Чѣире тѣулар, тѣабиаттар,
Кеттихъ къее хасиятар.
Чѣевени и азиятар,
Ухъ гъал вас намус, гъаілахъир

Цае маркѡ хаб зе йирхун.
Кемика йирхуракк балхун.
Вун аргвай зун вея яхун.
Дивава пѡпѡрус гѡллахьир

Нахчир хьуна лурцай завул,
Маркѡ миннати зун залул
Дава хи вас пе гаф кѡбул
Фуш фарцай жасус гѡллахьир?

Акѡас кан мева зун тахсир,
Ифтай зун вас йирхуран сир,
Ве футнайрин хьуна есир,
Дава вун дурус, гѡллахьир

Даим сараф маркѡ батѡул,
Гѡал кеттихѡас вакес ле тѡул.
Сара алмихѡа зал утѡул,
Миннати зе вас, гѡллахьир

КЪАНАН МУГѢУБАТ

Адини вун зе къанан мугѢубат,
Цулис агѢучѢу чѢуйнакѢ уѢкѢ суман.
ФиркѢай зе вакес уѢмур хѢе хаб бат,
МаркѢа цѢа шаб зун, лихѢвас лукѢ суман

ХѢучира хьин кѢуѢд Юсуф, Зулейха.
Суй латучира ФаргѢада суман.
КѢакѢ хѢаси хьин хѢес даим хѢадайхѢа,
Канди пучира Саяда суман

Илгурай вун зас, дахѢуна кѢисмат
Ромеейс кан хѢе Джульетта суман.
Насилари хѢес дакѢурай туѢгѢмат
КѢуй хѢурай, кан хѢеф хьин хѢес гѢал суман.

Абкъенан хаб хѢес ккетикѢу рагѢу,
Куче акѢайда, гѢаммиша суман
Къанан мугѢубат валлагѢ э агѢу,
Диглан хѢас кѢида жегѢилар суман.

КИТАБИК КЕЕТАР

Слово об авторе	3
Ватан	5
Агъулар	7
Агъуларин руш	8
Агъуларин Адатар	10
Хье мурадар	14
Гуулана	16
Бабан йиркI	18
Дуьньягъ вун	20
«Фас бизиргъан ме дуьнейк вун араб?...»	21
Наргизас	22
Эй. инсан	24
Къурах	26
Андахи	27
Касибвал	29
ДикIу фикирар	30
Вун фи ийчи ягIар акъе	31
Девирдин къайгъуяр	33
Натинжа	34
«Хиялий хъаси пуна вакес панатъ»	36
Насиат	37
Маржанат	39
Хелашувас акъунде дард	40
«Цай йикIуни хи руш вун зе йиркIура»	41
Гюлишан	42
Тахъурай	44
Хъурай зун вас	46
Къулбан хъурай	48
Агъ инсафсуз	50
ГаIлахьир	51
Къанан мугIубат	53

Г. ОМАРОВ

МОЯ АГУЛ

На агульском языке

Редактор Ю. Бигаев

Художник М. Левченко

Художественный редактор М. Левченко

Технический редактор В. Гаджиева